

Surat khabar: Utusan Borneo (Berita Iban)

Hari/Tarikh: 7/6/2016

Muka surat: 11

Tajuk : UNIMAS, iCube Innovation nyain MoU dikena ngenegap dagang raban nembiaik

# UNIMAS, iCube Innovation nyain MoU dikena ngenegap dagang raban nembiaik

Dikarang Chris Bishop

**KUCHING:** Universiti Malaysia Sarawak (UNIMAS) kemari nyain sempekat pemereti ati (MoU) enggau iCube Innovation Sdn Bhd ngambi ulih nempa mayuh agi orang dagang ari raban nembiaik di Sarawak.

MoU nya dikemata Menteri Muda ba Opis Kepala Menteri (Pemansang Pengereja Pengawa enggau Latih) Datuk Len Talif Salleh ke alai UNIMAS diarika Mandai Charislor Dato Dr Mohamad Kadir Suaidi.

Ba pengawa nya iCube Innovation Sdn Bhd diarika chairman iya Dato Patrick

Liew.

Bejaku ngemujur pengawa, Len ngelalu MoU ke disain kededua ejensi lalu ngarap kerejasama nya mantu ngenegap ejensi.

Ku iya, porfolio baru ke dipegai diatungkur pekara ke bekaul enggau pengereja pengawa lalu begunaka sukung ari perintah, NGO sereta ejensi ukai kuasa perintah.

“Nengah bantu ari semua, kitai ulih ngemansang pengereja pengawa jemah ila nyengkaum raban orang dagang,” ku iya.

Nengah MoU nya, bengkah pengawa deka diatur baka bingkil, latih, licha sereta ke bukai ti ulih ngansah penge-

landik raban nembiaik ba pekara dagang deka mayuh agi diatur.

Juluk MoU iya nya nyikap raban nembiaik ke ngembuan pengerindu ba pekara dagang enggau penerang ke beguna sereta besemekih ngerebut peluang dagang.

Patrick ba jaku iya madah kerejasama enggau UNIMAS tau mai pemaik ke alai pechaya pekara nya enda ulih diadu kediri.

“Tetiap ejensi ngembuan pengelembah sida empu. Atur bekunsi pengelandik, penau enggau peneleba ulih nempa asil ke pemadu manah,” ku Patrick.

Kenyau bulan Ogos 2015,

iCube mega udah nyain MoU enggau Tabung Ekonomi Gagasan Anak (Bumiputera) Sarawak (TEGAS), Malaysian Global Innovation and Creativity Centre (MaGIC), Fame international College Sarawak, Teknologi Kolej Sarawak (TCS), OurYouth.my, Gerempung Nembiaik Sakit Kanser Sarawak (SCCS) sereta mega Gerempung Orang Dagang Sarawak (SEA).

**KE PEMAIAK RABAN NEMBIK:** Len (tengah) ngemata Patrick (kiba) enggau Kadim besilih penerang MoU di Kuching, kemari.

